

WWW.DOLNOSERBSKI.DE

PRAKTISKE INFORMACIJE ZA WUŽYWARJE

DOLNOSERBSKO-NIMSKE SŁOWNIKI

The diagram illustrates the relationship between two types of dictionaries. It shows a central box labeled 'DOLNOSERBSKO-NIMSKE SŁOWNIKI' with arrows pointing to two separate boxes labeled 'NIMSKO-DOLNOSERBSKI SŁOWNIK'. Below these, another box labeled 'DOLNOSERBSKI TEKSTOWY KORPUS' receives arrows from both the Nimske Słowniki and the DOLNOSERBSKO-NIMSKE Słowniki boxes.

NIMSKO-DOLNOSERBSKI SŁOWNIK

This diagram shows a central box labeled 'NIMSKO-DOLNOSERBSKI SŁOWNIK' with arrows pointing to two separate boxes labeled 'DOLNOSERBSKO-NIMSKE SŁOWNIKI' (top) and 'DOLNOSERBSKI TEKSTOWY KORPUS' (bottom).

DOLNOSERBSKI TEKSTOWY KORPUS

This diagram shows a central box labeled 'DOLNOSERBSKI TEKSTOWY KORPUS' with arrows pointing to two separate boxes labeled 'NIMSKO-DOLNOSERBSKI SŁOWNIK' (top) and 'DOLNOSERBSKO-NIMSKE SŁOWNIKI' (bottom).

Zasloni GeopfB
Po tym je frézomnožin
/ A pětětin měrem
vý vlastní GeopfB
v něm pětětin / z pě
o pětětin pětětin
a GeopfB vlastní
vý vlastní vlastní
vý vlastní vlastní
vý vlastní vlastní

DOLNOSERBSKE RĚCNE WOBROTY A PŠISŁOWA

DOLNOSERBSKI PŠAWOPIS

WWW.NIEDERSORBISCH.DE

Ja kšěł wěžeś ...

... kak se
nimskemu słowu
serbski groni

► bok 4

... wóznam
wěstego serbskego
słowa

► bok 11

... kake serbske
rěcne wobroty a
přisłowa dajo

► bok 19

... kak historiske
serbske teksty
wuglědaju a co mógu
w nich namakaš

► bok 23

... lěc něži wěcej
stawiznískich
informacijow wó
mójej jsy namakajom

► bok 23

... kaki jo
dolnoserbski
přawopis

► bok 26

... co gótujo
Dolnoserbska rěcna
komisija

► bok 26

Serbski institut w Chóšebuzu

Wót 1992 ma Serbski institut wótnožku w Chóšebuzu. Jo to prědna wědomnostna institučja, kótaraž zaběra se specelnje z dolnoserbšći- nu a Serbami w Dolnej Łužycy.

Žělabnosć wótnožki

Tudejše wědomnostni žělaju gromaže ze swójimi Budyšínskimi kolegami w rěcy- a kul- turowědnem wótželenju. Fokus linguistow lažy pši tom na słownikarstwje a dokumentaciji rě- cy. Na kulturowědnem pólū slěži se głownje wó wšakich aspektach stawiznow Dolneje Łu- žycy a how bydlecych Serbow.

Słownikarstwo a dokumentacija rěcy

W slědných lětach jo nastal aktiwny nim- sko-dolnoserbski słownik. Słowo »aktiwny« se pši tom póségujo na to, až co wużywarja stat- kownje pši nałożowanju serbšciny pódprěaš. Wažne su pši tom pokazki na wopšimješowe a strukturelne wótchylenja wót nimšciny abo na wużywanje aspekta, pódawanje příkladov atd. Zakładnemu rědu pšítovarišili su se dalšne, za rěcnu praksu relevantne resurse: zdigitalizērowane dolnoserbsko-nimske słowniki, słownik dolnoserbskich rěcnych wobrotow a přisłów, pokazki za korektne nałożowanje orto- grafije, dokumentacija žělabnosći Dolnoserb- skeje rěcneje komisije atd. Wšo to jo se pšístupniło pód adresu www.dolnoserbski.de. Rozbogašona funkcionalnosć jadnotliwych modulow togo portalu pšedstajijo se w slědujucem dokradnjej.

»Małe pomocniki«, informacije a opcije

Rěc

Wšykne boki portalu dolnoserbski.de su dwójoréčne. Mógu se pokazowaś dolnoserbski a nimski. Za změnu rěcy dosega kliknjenje na wótpowédny link.

Wósebne znamuška

Zapódawanie wósebnych pismikow a tak pómjenjonych diakritiskich znamuškow (kokulkow, smužkow a dypkow) jo casy komplícero-wane, wósebnje, gaž se wóni žinsa wěcej njewużywaju. Togoda dajo w NDW a w KORPUSU na lěwem boce pytańskego póla bublink **břá**. Gaž se na njen kliknjo, pokažo se pólō z relevantnymi wósebnymi znamuškami, kótarež mógu se něnto lažko pŕsez kliknjenje z myšu zapódawaś.

Linki INFORMACIJE a POMOC

Portal dolnoserbski.de procujo se wó to, wědu wó dolnoserbšínje na pŕsegledniwu a intui-tiwnu wašnju pŕsedstajaś. Weto jo glědajucy na rozměru a wšakorakosć póbítowanjow wótergi praktiske, pŕglědnuś do dalej wježecych pokaz-mow, kótarež na boce se póstajaju:

- Pód INFORMACIJE póstajaju se zakladne pódá-ša wó konkretnem modulu – jogo zaměr, zaklad datow, natwař jadnotliwych jadnot-kow a pódobne.
- Pód POMOC pódawaju se informacije, kótarež wólažcuji praktiske wužywane modula.



INFORMACIJE

Dolnoserbski.de je významný webstránky s mnoha užitkovými funkciami. Využíváme výhradně svou vlastní verzi slovníku a nevyužíváme žádostí o licenci od jiných výrobků. Všechny funkce jsou vytvořeny s ohledem na specifické potřeby německojazyčného obyvatelstva. Tato stránka je významnou součástí německého prostředí za vědecko-výzkumných účelům. Výzkum, který je zde prováděn, je významný pro rozvoj německého jazyka a jeho kulturního dědictví. Výzkum je prováděn v rámci výzkumného programu, který je podporován Evropskou unií.

POMOC

Hov možno nastajiš několikrát dodatečné opce.

El Pokaž rusiske ekwiwalenty we słowniku Mukí (1911-28). Wielkość listny wusłědków. 25%

Skladuj wuzwiedne opce!

DNW jo ...

- nejwětšy serbski słownik
- 88000 lémow
- 50000 pískładowych sadow a rěčnych wobrotow
- maminorěcna kompetenca
- předny serbski online-słownik (wót 2003 w seší)
- awtory: Manfred Starosta, Erwin Hanuš, Hauke Bartels

	Urlaub verbringen
	läuft
	Bäume
	größer
	schlapp machen
	schlappmachen

Aktiwny nimsko-dolnoserbski słownik

<http://dolnoserbski.de/dnw>

Powšykne informacie

Wobšyrny aktualny nimsko-dolnoserbski słownik jo koncipěrowany ako aktiwny słownik. Wón spěchujo wuknjece písi korektnem pisnem a wustnem nałożowanju pódawanego rěčnego materiala. Na manuskripše žěla se w Chóšebus- kem wótželenju Serbskego instituta wót 2001. Wjeliki plus za słownik jo maminorěcna kompetenca leksikografowu Manfreda Starosty a Erwina Hanuša a do lěta 2008 wobstojeca móžnosć, se ze šyršym krejzom maminorěcnych regularnje konsultěrowaś. Zaklad žěla na manuskripše twóri radna zběrka ekscerptow z dolnoserbskich tekstow – manuelnych a na zakłaże tekstopého korpusa (► bok 15).

Pytanje

Bitte geben Sie ein deutsches Stichwort ein:

Standardne pytanje jo zapódawanje nimskego słowa do pytańskego póla. Pyta se normalnje za JADNYM słowom w ZAKŁADNEJ FORMJE! Pytanja za kupkami słow abo za sklonijowanymi formami nic njenamakaju.

Wuwześa su główne zestajone werby, kótařež mógu se pó nowem nimskem pšawopisu gromaže a roztyla pisaś.

Słowo, wobrot abo někaka skrotconka felujo? Něži jo se ražila zmólka? Dajo lěpše rozwězanje? Napišco nam: cottbus@serbski-institut.de

Słowo njejo se namakało?

Nimsko-serbski online-słownik jo ze swójimi 88000 artiklami za serbske poměry wjeliki. Weto ma nimščina wěcej słow a jo móžno, až wěste słowo w njom felujo. Wótergi pak pomožo južo druga wašnja pytanja – a słowo se najžo: Direktnje pód pytańskim pólom dajo pismiki wót A-Z. Kliknjenje na jaden z nich wótcynijo lisčinu wšykných nimskich słow, kótarež se z tym pismikom zachopiju a se w słowniku ako artikel wobjadnawaju. W nich najžo se cesto pódobnje twórjone słowo abo synonym ze samskim zachopjeńkom. Abo wóno se wopokažo, až pytane słowo ma komplicērowanu ortografiju: Co jo pšawje – RALLYE abo RALLEY?

Rezultaty

Jadnotliwe article su wšako wobšyrne. Minimalnje pódajو se za pytane nimske słowo serbski ekwiwalent z gramatiskeju informaciju a – jo-lic relevantne – pokazku na sklonjowański muster. Cesćej dajo dwa abo tří móžne ekwiwalenty z wótpowědnymi informacijami. Rowno až dolnoserbščina ma casy wěcej wótpowědnikow, se słownik how wědobnje wobgranicujo. Za wšake nimske słowa dajo wěcejsłowny serbski ekwiwalent, na pšiklad kombinaciju ADJEKTIW + SUBSTANTIW.

Gaž ma jadno nimske słowo dwa wóznamo, kótaremuž wótpowěduju wšake serbske słowa, pón se toś tej wóznamo separatnje prezentērujotej. Gaž wużywa se nawopacnje za wšakej nimskej wóznamo samski serbski ekwiwalent, pón se wóznamo w jadnom wótstawku gromaže pšedstajatej.

Bitte geben Sie ein deutsches Stichwort ein:
Anfrage senden

A B C D E F G H I J K L M N O P Q R S T U V W X Y Z

- A, a
- Aal
- aalen sich
- Aalfang
- aalglatt
- Aalräucherei
- Aalreuse
- Aalstechen
- Aar
- Aas
- Asblume

Klamauk klamawk *m 19*

Kuchen tykać *m 20*,
mazać *m 20*

Schürzenjäger šorckař *m 22*, žeńskař *m 22*, žowckař *m 22*

Schreibtisch pisańske *48* blido *n 26*

Jadno nimske słowo – wěcej wóznamow

Regel

1. Vorschrift; geltende Norm regula *f 5*, pšawidło *n 26*

2. Richtlinie, Grundsatz zasada *f 2*

3. in der Regel das Übliche (za) wětšy žél *m 21*, zwětšego

4. Menstruation menstruacija *f 5*, cas *m 20*

Kopf Körperteil; Person; Kopfförmiges głowa *f 1*, głowka *f 3 Dim*

W seši jo ruma dosć

Hynac ako pla šiščanych publikacijow njemusy se pši online-wózjawjenju źiwaś na městno. To ma wjeliki wužytka za słowniki. Pšiklady a rěcne wobroty muse se hynži cesto na minimum reducěrowaś. W nimsko-serbskem online-słowniku se take elementy, kótarež pšawe nałożowanje rěcnego materiala wósebnje spěchuj, pšešiwo tomu cesćej a w celých sadach pódawaju.

1. Verlangen, Bedürfnis	lušt <i>m 18</i>
Hast du Lust, ins Theater zu gehen?	Maš lušt / *Co se ší do žiwadla hyš?
Hast du Lust auf ein Bier?	*Co se ší piwa?
2. Gefallen, Zufriedenheit	wjasele <i>n 34</i> , lušt <i>m 18</i> , xyz
Es war eine Lust, dem Gesang zuzuhören.	Jo bylo wjasele tomu spiwanje pšísluchaš.
Da vergeht einem die Lust am Reisen.	To jadnomu lušt do drogowanja zajžo / wótpadnjo.
Bei dieser Arbeit verliert man jede Lust.	Takego žéla se jadnomu wóstužijo / wótekšeo.
3. sinnliche Lust, Begehrten	póžedanje <i>n 36</i> , póžednosć <i>f 7</i>
Du willst doch nur deine Lust befriedigen.	Ty ga coš jano twójo póžedanje / twóju póžednosć spokojš.
Du hast wohl immer Lust!	*Tebje drje se pšecej co!
◆◆◆ Wendungen:	
Zu Fastnacht könnt ihr euch nach Lust und Laune austoben.	Na zapusće mózoš se za wašym spódobanim a wjaselim wurušowaś.
Wenn du ohne Lust und Liebe an die Sache herangehst, wird daraus nichts.	Gaž bžez kuždego lušta se do žéla dajoš, z togo nic njebužo.

Lisćiny resultatow

Pši pytanju njerozeznawa se mjazy wjelikimi a małymi pismikami. Togodla wudajo se za napšašowanja ako »rennen« abo »Rennen« nejpjerwjej lisćina potencielnych resultatow:

rennen

Rennen

Samske pšitrjefijo za słowa, kótarež se jadnak pišu, pšíslušaju pak wšakim słownym družynam.

bald Adv

bald Part

Wósebne pomocy za wuknjecych

W dolnoserbsko-nimskiem online-słowniku jo se zawjadł ceły rěd wósebnosców, kótarež wuknjecym w situacijach pomogaju, źož se dolnoserbščina systematiski wót nimšciny wótchyla.

Kótary kazus se słowo pomina? (rekacija)

Gaž pomina se serbske słwo hynakšy kazus nježli nimske, se toś ten rozďél eksplisitnje markērujo z tym, až pódawa se pódla serbskego ekwiwalenta pad ako licba mjazy rogatyma spinkoma. Dodatnje ilustrērujo se wużywanje z pšíkładom w ceļej saže. To samske písirjefijo za pady, w kótarychž se nimska konstrukcija z prepoziciju dolnoserbski pšełožujo z cystym kazusom (»zu ihm sagen« – »někomu groniš«) abo nawopacnje.

Glédanje na cynitosć (aspekt)

Dolnoserbščina znajo – tak ako druge słowiańskie rěcy – gramatisku kategoriju aspektu, kótaraž w nimskej rěcy tak njewustupujo. Wjeлим wużywarjam, kótarež aspekt ze swójeje mamineje rěcy njeznaju, pšižo jogo korektne nałożowanje šéžko. Tradicionalne markērowanie werbow ze skrotconkoma *p* (= perfektiwny verb) resp. *ip* (= imperfektiwny verb) za jogo korektne nałożowanje cesto njedosega. Togodla demonstrēruju se pla werbow zakładnegó słowoskłada nejwažnejše wużywanja z pšíkładami. Cesto namakaju se pši nich na nimskiem boce ako pomoc wujasnujuće pšípise ako »ist dabei«, »als Fakt« abo »Usus«, kótarež deje danu interpretaciju werbow rozjasnić a tak wużywanje konkretneje formy werba motiwőrować.

Pódaše rekije pla wótcyljenja wót nimšciny ([kazus])

behindern *allg* zajżowaś ip **62** [3]

Der Nebel behinderte den Verkehr.
Kurjawa jo zajżowała wobchadoju.

sagen (...)

3. einen Namen geben
groniš p **79** / ip **77** [3]

Wir sagen Kalle zu ihm.
My gronimy jomu Kalo.

Aspekt ...

... zwuraznja, jak mysi se powědajacy / pišucy cynitosć w casu (ma cynitosć za trajucu abo ja-dnomomentowu atd.)

Aspekt w słowniku

kochen ...

Er kocht gut. (*gewöhnlich*)
Wón derje wari.

Ich koche euch einen
Kaffee. (*wird gleich fertig*)
Ja wam zwarijom kafej.

powšyknje rezultatiwna **ares**
atenuatiwna **att**
delimitatiwna **del**
diskontinuatiwna **disk**
ewolutiwna **evol**
ekshaustitiwna **exh**
finitiwna **fin**
hypersaturatiwna **hsat**
immoderatiwna **imm**
ingresiwna **ing**
kumulatiwna **kum**
negatiwnje rezultatiwna **negr**
negatiwnje gódnoscéca **negw**
perdiitiwna **perdi**
perduratiwna **perdu**
potenciatiwna **pot**
saturatiwna **sat**
totalitarna **tot**
... **wašnja cyna**

(dokradnjejše informacije w seši)

Wašnja cyna

Co wóznamjenja sada »Wón jo wo-kna wuzacynjał«? Nimski by normal-je gronili (1) »Er hat die Fenster zu-gemacht.« Gaby pak kšeli ceło dokra-dne pšełožyś, by dejali to tak cinyś (2): »Er hat alle Fenster eins nach dem anderen zugemacht, bis auch das letz-te geschlossen war.« Nimšćina njezna-jo take wutwarjone słowotwórbne modificerowanje wóznama werba ako dolnoserbščina. Wóna wěste nuanse jadnorje njegroni (1) abo musy je eks-plicitnje leksikaliski zwuraznjaś (2). Normalnje njeby se wašnja cyna póta-kem w nimsko-dolnoserbskem słowni-ku zewšym jawiła. Glědajucy pak na wósebnu funkciju słownika za wótžy-wjenje dolnoserbščiny, su se awtory rozsužili, ju weto zapśimjeś, a to na slědjućy part:

sitzen

1. *Körperhaltung allg* sejčeś ip **84**; zu
sitzen pflegen

sedaś **ip 76 it (...)**

Aktionsarten (*Abweichungen beim
deutschen Stichwort möglich!*):

— **del**

Lass sie noch eine Weile sitzen!

pósejčeś **p 85**

Daj jej hyšci (chylku)
pósejčeś!

— **disk**

Was werden wir hier noch weiter (he-
rum) sitzen.

dosejčeś **p 85**

Co comy how dosejčeś.

— **perdu**

Auf dieser Versammlung habe ich nur
die Zeit versessen.

pšezejčeś **p 85**

Na tej zgromażinje som
jano cas pšezejčeł.

Konstrukcije z funkcionalnym werbom

W nimšćinje cesto wustupujuce zestajenja ako »eine Frage stellen«, »zur Diskussion stehlen« abo »den Anfang machen« su konstrukcije z funkcionalnym werbom, nimski »Funktionsverbgefuge« (FVG). Take njeisu dolnoserbščinje cuze (na pšiklad »pšašanje stajiš«), wustupuju pak rědšej – město nich wustupuju cyste werby (»pšašaš«). W słowniku su take zestajenja zebřane pla werbow. W artiklu MACHEN namakaju se pótakem pód nadpismom »verbl[asst] (FVG)« konstrukcije ako »Angst machen«, »Ärger machen«, »Eindruck machen« atd. a jich serbske wótpowědни.

Skrotconki

Žeden słownik njewužo bžez skrotconkow, rowno až njejo w online-słowniku rum wobgranicowany. Wupisanje wšyknyc informacijow by gótowało jadnotliwe artikelie njepšeglědniwe, za wužywania njekomfortabelne. Link »Abkürzung« wjezo na wótpowědnu lisčinu.

Za co stoj w słowniku ...

... gwězdka (*)?

Znamuško * stoj w pšikladach a pokazujo na to, až jadna se wó dolnoserbski wótpowědnik za pytane nimske słowo, kótaryž njejo pla ekwiwalentow nalicony a njedajo se powšyknje nałożowaś.

... xyz?

Toś ten zapis pokazujo na to, až njeeksistěrujo za nimske słowo abo za wěsty wóznam jadnogo słowa powšykný dolnoserbski ekwiwyalent, ako mógał se generelnje nałożowaś. W takich padach rozsužuo konkretny kontekst, co nimskemu słowu w dolnoserbščinje wótpowědujo. To se z pšikladami ilustrerujo.

Konstrukcije z funkcionalnym werbom

machen (...)

7. verbI (FVG) (...)

Bestellung skazaś *p 70*
skazowaś *ip 62 (selten)*
[4] (...)

ein Ende kóńc wucyniś
p 79, xyz (...)

Gwězdka a xyz

dumm 1. *nicht klug*

głupy *47 / 95* głupje *101*
Adv (...) Er redet

dummes Zeug. *Wón
jano smuži / muši.

abblitzen xyz Er blitzte
bei ihr ab. Pši njej jo pšepadnuł. Sie hat ihn abblitzen lassen. Wóna jo
jogo wótbíla. Er lässt die Bittsteller einfach abblitzen. Wón pšosbarjow
jadnorje wótpokazujo.



DNW-audio: Słuchaś, kak se słowo wugranja

Dolnoserbščina njewótchyla se jano z wšaki-
mi pismikami wót nimščiny, ale teke pó wugro-
nje. Za zajmce, kótarež kšě dolnoserbščinu teke
wustnje korektnje nawuknuć, póbitujo DNW
wót 2016 spomožnu funkciju: DNW-audio.
Z dobrowólnymi powědarjami su se nagrawali w
prědnem kšacu jadnosłowne serbske ekwiwa-
lenty. Wóni mógu se wótsłuchaś pšež jadnore
tłocenie na symbol pódla słowa. Finalny staw
wopśimjejo jadno- a wěcejsłowne ekwiwalenty.
Perspektiwske zezukowanje pšíkładow wótwi-
sujo wót togo, lěc se zglucyjo, notne pjenjeze
zwjasć.

Dalšne wuwijanje

Nimsko-dolnoserbski słownik jo a wóstanjo
wažny projekt Serbskego instituta. Žélabnosć
koncentrērujo se tuchylu głównje na korekturu
zakładnegó manuskripta, kótaryž se rownocas-
nje dalej wuwija. Systematiski pyta se za zmól-
kami, njedokradnosćami, žěrami w wopisanju a
njekonsistencami. Pšigótuo se wersija za šíšć.

Dolnoserbsko-nimske słowniki online

<http://dolnoserbski.de/ndw>

Powšykne informacije

Do seši spórane dolnoserbsko-nimske słowniki zmóžnjaju recepciju dolnoserbskich tekstop. Jich koncepcja se méri na rozměše serbšiny, teke takich słów, ako žinsa wěcej njejsu aktualne, abo kótarež su dialektalne, wobchadnorěcne. Wóni dokumenteruju historisku dimensiju bogatosći dolnoserbskego słownistwa. To pšítrjefijo wósebnje na starše słowniki Zwahra, Muki a Šwjela. Słownik Starosty z lěta 1999 jo aktualny dolnoserbsko-nimski słownik, kótařyž jo wót Ministeruma za kubłanje, młožinu a sport ako wucbny srědk awtorizěrowany. Rezultaty z togo słownika su togodla wuzwignjone, gaž se wšykne słowniki paralelnje pšeptyuju. Teke wón pak jo za pasiwnu recepciju koncipěrowany a wopśimjejo toś archaizmy a dalšne wósebné słowa.

Wót 2014 móžne pytanje za nimskimi słowami w dolnoserbsko-nimskich słownikach jo wužytyna dodatna kakosć zdigitalizěrowanych wersijow, njenarownuju pak leksikografiski wědobnje wužělany nimsko-dolnoserbski słownik (písir. boki 4 do 10), kótařyž dej aktiwne nałożowanje dolnoserbšiny spěchowaš.

Pytanje

	luby	
--	------	--

online-wersija


słownikow:

- Zwahr (1847)
- Muka (1911–1928)
- Šwjela (1961)
- Starosta (1999)
- zdigitalizěrowane a za seš optiměrowane 2008–2011
- wózjawjone 2012
- efektivne pšeptytowanje słownikow – wých gromaze abo kuždego jadnotliwego
- wót 2014: pytanje za nimskimi słowami

	šula
	wšuži
	rědnego
	spiwajucy
	wjele wjasela

Standardne pytanje jo zapódawjanje serbskego słowa do pytańskeho póla. Pyta se normalnje za JADNYM SŁOWOM w ZAKŁADNEJ FORMJE! Pytanja za kupkami słów abo za sklonowanymi formami nic njenamakaju.

Tip: Pismiki z diakri-
tiskimi znamuškami di-
rektnje pšež browser za-
póðawaš! (► bok 3)



Nastajenja pší pytanju

Chтоž pyta tak za žinsa aktualnymi pisanjami słow, w normalnem paže něco namakajo. Glě-
dajucy na to, až mógu se pšež online-pobitowa-
nie słowniki ze wšakich casow a ze wšakimi or-
tografijami pšepytowaš, mógu w slědujucych pód-
stawkach pšedstajone opcije měš wjeliki wliw na
lisčinu rezultatow.

Wuzwóliš pšepytowany słownik

Zgromadny pšistup do wšakich dolnoserbsko-
nimskich słownikow mózo byś praktiski. To pšitrje-
fijo wósebnje za luže, ako maju historiski zajm za
wuwijanje dolnoserbščiny a jeje słownikarstwa.
Pyta-lic pak něchten za aktualnym dolnoserbskim
słowom, co se informěrowaš, kak se wóno pišo
abo kaki wóznam žinsa ma, pón mózo byś lažcej,
jano Starostowy słownik pšepytowaš. Nawopac-
nje mógał se něchten zajmowaš za historisku or-
tografiju abo něgajšne wóznamy słow w Zwahro-
wem, Mukowem abo Šwjelowem słowniku. Wót-
powědne nastajenje mózo kuždy wužwař pšež
pólo »słownik« lažko wuwjasć.

Rěc pytanego słowa nastajiš

W síšcanem dolnoserbsko-nimskem słowniku
mózo se jano za (alfabetiski rědowanymi) serbski-
mi słowami pytaš. W zdigitalizowanej formje da-
jo wěcej móžnosćow, weto jo pytanje za serbskimi
słowami standardne nastajenje. Pšež pólo »rěc«
mógu se wužwarje nastajiš teke pytanje za nims-
kimi słowami. ► bok 15



Glědaj: Techniski wobrošony dolnoserbsko-nimski słownik **njenarownajo**
nimsko-dolnoserbski słownik! (► DNW, wót boka 3)

Originalne abo modernizérowane pisanje

Gaž zapišo se pytane słowo w žinsajšnej ortografiji, pón namakaju se standardnje dokłady z tych słownikow, źož se słowo tak pišo. A to mózo byś wšako: Słowa ako *a*, *mak* abo *tak* pišu se wšuži jadnako.

Chtož pak kšěl słowa ako *bachtanje*, *ceptarka* abo *wójca* we wšyknycch słownikach namakaš, deňať se wuznawaš z tam nałożowanemu originalneju ortografiju: Pla Zwahra se pišo *bachtanje*, *zeptárka*, *wojza*, pla Mukí *bachtáne*, *ceptárka*, *wojca*, pla Šwjele *bachtanje* a *wojca* (*ceptarka* njewustupuju). Ze zašaltowanemu opciju »modernizérowane« namakaju se te formy teke, gaž zapisujo se słowo w žinsajšnem pšawopisu do pytańskego póla.


Za wobej zakładnej warianše (originalne resp. modernizérowane pisanje) mózo se nastajiš, až nježiwa se píti pytanju na diakritiku. To groni, až namakaju se słowa z kokulkami abo smužkami teke, gaž se diakritiske znamuška do pytańskego póla zewšym njezapódawaju resp. gaž se zamónlje wopacne znamuško wužywa (na pšiklad *spiwaš* město *spiwaś*). To jo wósebnie píti wužywanju słownika pšez handy abo smartphone praktiske a teke w padach, gaž jo se ortografija cesćej změniła – raz jo se słowo pisało z ó, raz bžez njogo, raz jo se pisało *kšebjat*, raz *kšebjat* atd.



Tip: Mobilne bžez diakritiki pytaś!

Wósebne pytanie pó poziciji w słowie

Za znajarje a luže z dľymšym zajmom za rěcjo specielne pytanie pó pozicji w słowie wužytne rozširjenje funkcionalnosći online-słownikow. Standardne nastajenje jo píti tom pytanie za cefym słowom. Dalšne opcije se w slědujucem wopisuju.



Tip: Jano žěle słów pytaś!

The screenshot shows a search bar with 'bruk' entered. Below it is a dropdown menu labeled 'pozicija na zachopjeńku słowa' with an arrow pointing down. The search results list three entries: 'bruk « Starosta 1999', 'brukaś « Starosta 1999', and 'bruki « bruk « Starosta 1999'.

Pytanje na zachopjeńku słowa

Namakaju se wšykne słowa, kótarež se zachopiju z pytanym rjeśazom znamuškow.

Mózne zajmne wótpšašowanja:

- dolnoserbski: Namakaj słowa, kótarež se zachopiju z prefiksom *pód-* abo z kombinaciju prefiksowu *wuza-*.
- nimski: Namakaj słowa, kótarež se zachopiju z *Ziegen-, Wolfs-*, z prefiksom *entgegen-* abo *entzwei-*.

The screenshot shows a search bar with 'mama' entered. Below it is a dropdown menu labeled 'pozicija na srjeńju słowa' with an arrow pointing down. The search results list ten entries, all of which include 'mama' followed by a suffix and the year '1999': 'mama « Starosta 1999', 'mamaś se « Starosta 1999', 'mamaś se « Starosta 1999', 'pśimama « Starosta 1999', 'pśimama « zagubnik « Starosta 1999', 'stara mama « wowa « Starosta 1999', 'zamama « Starosta 1999', 'zmamaś se « Starosta 1999', and 'zmamaś se « Starosta 1999'.

Pytanje něži w słowie

Namakaju se wšykne słowa, kótarež wopśimjeju něži w słowie (teke na zachopjeńku abo kóncu) pytany rjeśaz znamuškow.

Mózne zajmne wótpšašowanja:

- dolnoserbski a nimski: Namakaj słowa, ako słušaju k jadnej słownej familiji, wopśimjeju wěsty morfem atd.

Pytanje na kóncu słowa

Namakaju se wšykne słowa, kótarež kóńce na pytany rjeśaz znamuškow.

Mózne zajmne wótpšašowanja:

- dolnoserbski: Namakaj słowa, ako kóńce na *-nuś*, na *-isko* abo *-ysko*, na *-adło*, *-ota* abo na *(-)żeń*.
- nimski: Namakaj słowa, ako kóńce na *-gemäβ*, *-beere*, *-krieg*.

**Pytanje za žělami słowa móžo wótekšywać
regularnosći twórjenja słow!**

Wósebny modul: Pytanje za nimskimi słowami

W digitalnych wersjach dolnoserbsko-nimskich słowników móžoš pytaš za nimskimi słowami. To jo wjeliki rozdžél k šíščanym kniglám. Gaby kšešli w papjerjanej wersiji Mukowego słownika pytaš »Kopf«, by dejali nanejmjenje wěžeš, kak se tomu serbski groni. Weto njeby wěželi, žo to słwo w pšíkladach a ekwiwalentach w tych kniglach wšuži hyšći wustupujo. Na 139 wšakich městnach jawi se na nimskem boce słwo »Kopf« – nic jano w artiklach ako »głowa«, »główka« abo »głowišco«, ale teke pód »banja«, »nop«, »pléch« abo pla werba »toriš«. Tam že stoj: »gólcia toriš — (...) dem Burschen den Kopf verdrehen«.

The screenshot shows the BfA online dictionary interface. In the search bar, 'nimščina' is entered. Below the search bar, there is a dropdown menu set to 'nimščina'. The main area displays several entries:

- głowia • głowka** « Muka 1911-28
der Kopf
- głowica** « Muka 1911-28
der Kopf
- nop¹** « Muka 1911-28
der Kopf
- głowku zwótwiązać**
den Kopf abdrrehen
- głowu se zrazyć** « zrazyć « Muka 1911-28
sich den Kopf zerschlagen
- głowu tuis** « tuis « Muka 1911-28
den Kopf einbüßen
- głowu wen póstájí**
den Kopf hinausstecken
- głowu zmusić** « zmusić « Muka 1911-28
den Kopf verführen
- kulka¹** « Muka 1911-28
der Kopf einer Stecknadel

Wólažcenje pytanja: W starých słownikach wustupujuce zestarjete nimske słowa a formy su se za wótpšašowanje modernizěrowali. Pyta se pótakem zasadnje za nimskimi słowami w žinsajšnej ortografiji a njejo notne, se wó móžnych něgajšnych pisanjach głowu łamaš.

The screenshot shows the BfA online dictionary interface. In the search bar, 'beklagenswert' is entered. Below the search bar, there is a dropdown menu set to 'nimščina'. The main area displays one entry:

- bogi** « Zwahr 1847
beklagenswerth

Pytanje w nimskich słowach njejo nimsko-dolnoserbski słownik!

Za rěcneje pókšacone wužywiarje móžo pytanje pŕez nimski pŕistup – pŕi kradoścím wobchadanju – pó žělach poňniš funkciju synonymowego słownika. Njesmějo pak se zabyš, až psegleděuju se pó žělach stare słowniki. A teke w nejnowšem z nich su, dokumentěrujacy, zapisane słowa, kótarež su markěrowane ako zestarjete, dialektalne atd.

Jadro z nejwažnjejšich rozsuženjow pŕi pisanju dwójorčnegu słownika jo to, z kótareje rěcy se wuchada. To wuzwolenje ma wjeliki wliw na to, kótare słowa se do leksikona pŕiwzeju, kak se prezentěruju a kak mógu stakim pŕozdzej byš wužywiarjeju k pomocy. Z togo wuchada, až njamóžo »wobrošony« dolnoserbsko-nimski słownik narownaš nimsko-dolnoserbski słownik.

bfa Spreewald

rěc nimčina ▾

Androwa cera « Muka 1911-28, Měra ds. swójbor a domow das Andro-fless i **Spreew.**

Dolska « Muka 1911-28, Měra ds. městow a wsow das Dotzkfless im **Spreew.**

Gusorowa cera « Muka 1911-28, Měra ds. swójbor a domow ein Kanal im **Spreew.**

Kanowy Mlyn « Muka 1911-28, Měra ds. swójbor die Kanomühle i. **Spreew.**

Bzenica « Starosta 1999 ein Spreearm im **Spreewald**

bfa Sitte

rěc nimčina ▾

rěbliki « Muka 1911-28, Dolnoserbske měria pólów a gónow der Platz am Kirchwege u. Leichenwege, wo nach alter sorbischer **Sitte** die Toteneitern niedergelegt u. aufgehäuft wurden

farafeju pósčiš « posčiš² • pósčiwaś « Muka 1911-28 dem Pfarrer das Opfer (die Geldspende am ersten Feiertag der hohen Feste oder, je nach der **Sitte** in den einzelnen Parochien, an bestimmten Festtagen) an die Kirche nach der Predigt auf den Altar

Dodatne móžnosti: Změna rěcy pí pytanju dodava słowniku funkcje, kenž pseseguju »normalne« wużywanje knigłów. Zmóžnja se mjazy drugim pís- stup k ludowědnym informacijam, kótarež chowaju se wósebnje w Mukowem słowniku.

bfa mak

pisanje modernizowane ▾

mak « Starosta 1999

mak « Śwjela 1961

mak « Muka 1911-28

mak « Zwahr 1847

bfa zub

pisanje modernizowane ▾

sub « Zwahr 1847

wóščerjaš zuby « wóščerjaš « Starosta 1999

zub « Starosta 1999

zub « Śwjela 1961

zub « Muka 1911-28

Rezultaty ...

... pytanja za serbskimi słowami: Wuslědk jadnorego pytanja jo alfabetiski rědowana lisćina rezultatow, rozmiej słów, kótarež wótpowěduju wótpošowanju. W kuždej smužce jo písipane, w kótarem ze słownikow jo słowo se namakało. Jadnake rezultaty su rědowane pó starstwje, zachopinajacy z nejmłodšym, Starostowym słownikom, kótaryž jo ako aktualny teke wósebnje wu-zwignjony.

Kužda ze smužkow lisćiny fungěrujo ako link na konkretny artikel.

zub Flex., m.

Zahn • Zinke

něco za zubami chowaś — ein Geheimnis wahren

mě zub boli — ich habe Zahnschmerzen

mak Flex., m.

asl. **makъ**, os. **mak**, poln. **mak**, tschech. **mák**

der Mohn als Same und als Pflanze • *Papaver somniferum L.A.*

žíwy mak — wilder Mohn • *Papaver dubium L.*

... pytanja za nimskimi słowami: Pódobna lisčina rezultatow se teke pokazujo, gaž se pyta za nimskimi słowami. Wóna pokazujo mimo pytanego nimskego słowa ako link fungérujuce serbske, kóterež stoj za artikel, w kótarež nimske słowo wutupujo.



A screenshot of the bfa search interface. The search bar has 'Hundspetersilie' entered. A dropdown menu below it shows 'nimščina'. The main results area lists several entries:

- kózyměřik** « Starosta 1999
Hundspetersilie
- stwol** « Starosta 1999
Hundspetersilie
- kózy měřik** « kózy « Muka 1911-28
Hundspetersilie
- kózyměřik** « Muka 1911-28
die Hundspetersilie
- psowa pjaterzylia** « psowa « Muka 1911-28
die Hundspetersilie
- stwól** « Muka 1911-28
die Hundspetersilie

A screenshot of the bfa search interface. The search bar has 'psowy' entered. A dropdown menu below it shows 'nimščina'. The main results area shows the word 'psowy' with a blue arrow pointing to its definition: 'Flex.'. Below it, other definitions are listed:

- Adj. poss., von *pjas*, os. *psowy*, poln. *psiwy*
- zum Hund gehörig • zu den Hunden gehörig**
- psowa buda* — die Hundehütte
- psowy pasyk* — Hundehalsband
- psowa wéra*, Hptm. L. — der Köhlerglaube
- psowa pjaterzylia*, Schdl. 47 — die Hundspetersilie
- psowe jagody*, w. Grz.-D. — die Beeren des Faulbaumes
- psowe ślówki* — Hundspflaumen

Lisčiny njejsu artikel!

Lisčina rezulatow pódawa serbske a nimske słwo ako pórik wótpowědnikowu. To pak jo jano mjazykšac pó droze ku cełemu artikloju, bejnje pšíkrotcony pokazowař. Akle pši cytanju artikla se pokazujo, lěc wěste słwo se w danem kontesče góži abo nic. Dobry pšíkład za to jo pytanje za nimskim słowom *Zahn*. Prědny wuslědk w lisčinje jo serbske słwo *palc*, což njejo wopacne. To słwo móžo we wěstych kontekstach napšawdu za nimske *Zahn* stojaš. Weto by njekritiske pše-wzeše wóznama z teje lisčiny w nejwěcej padach dowjadło k zmólkam. Take njemusy byš jano zawi-njone pšež wobgranicowany kontekst wužywania, ale teke pšež to, až w lisčinje njejsu wižeš wažne informacie, ako ta, až jadna se pla wěstego słowa wó archaizm, zestarjetu, stylistiski markérowanu abo dialekthalnu formu atd.


A screenshot of the bfa search interface. The search bar has 'zahn' entered. A dropdown menu below it shows 'nimščina'. The main results area lists several entries:

- palc** « Starosta 1999
Zahn
- zub • zubk** « Starosta 1999
Zahn
- zubank** « Starosta 1999
Zahn
- rypak • rypank** « Muka 1911-28
der *Zahn*

Tip: Malsnje dalše ekwiwalenty namakaš!

Skokanje pó słowniku

W artiklach funkcioneruju nimske słowa ako linki. Kliknjenje na nje genereraju pytanie za danym słowom a pokazuju lisčinu rezultatow. Z njeje pšižo wużywař do nowego artikla, źož namakajo snaž dalše nimske słowo, kótarež hyšći lěpjzej za jogo wótmyslenja se góži atd.



Opcije (dalšne nastajenja)

Pód linkom »opcije« chowatej se tuchyłu dwě dodatnej móžnosći:

- Pla wšakich pytaných słow abo wósebných wótpšašowanjow dajo długke lisčiny rezultatow. W słownikach jo na pšíkład dogromady 5435 słow, ako kóńce na *-nuš*. Jolic co wužywař je pšeglédowaś, móžo byś zmysłapołne, se pówušyš wjelikosć pokazaneje lisčiny wuſlědkow. Móžne gódnity: Pokaž 10, 25 abo 50 wuslědkow.
- W Mukowem słowniku dajo wjèle rusojskich ekwiwalentow za dolnoserbske słowa. W základnem nastajenju se wóni w digitalnej wersiji njepokazuju. How dajo móžnosć, je zašal-towaś.

Tip: Nastajiš, aby se pokazali rusojscie wótpo-wědники w Mukowem słowniku!

Dolnoserbske rěcne wobroty a písłowa

<http://dolnoserbski.de/nrs>

Powšykkne informacije

Rěc jo bogata a móžo se wšako zwuraznjaš. Nic jano pšež słowa same, ale teke pšež zestajenja słow z wósebnym wóznamom: rěcne wobroty, grona, písłowa, póstrowne formule atd. Take frazeologiske jadnotki su casy njepšewidne, njejo móžno, je pó słowje pšełožyš. Gaž groni na pšikląd něchтен dolnoserbski »Psowe ja-jol!«, pón pšestajenje »Hundeei« nic wó wóznamje teje kombinacie słow njegroni. Dobre wopisanje takich wobrotow jo notne, aby na dolnoserbščinje zajmowany je pšawje a w korektnem konteksće nałożowaś mógał.

Sobužělašerje Serbskego instituta su dolnoserbsko-nimske słowniki za wótpowědnym materialom pšeglédowali, relevantne pasaže eks-trahérowali, leksikografiski zjadnotnili a pówobžělali. Nastała jo digitalna zbérka dolnoserbskich frazeologicznych jadnotek w šyršem zmysle – praktiska za praksu a dobry zakład za móžny wědomno-stny frazeologiczny słownik.

Pytanje

	słowo	
--	-------	--


Standardne pytanje jo zapódawanie serbskego słowa do pytańskiego pôla. Pyta se za jadnym słowom w zakładnej formje! Pytanja za kupkami słow abo za sklonjowanymi formami nic njena-makaju.

- rěcne wobroty, grona, písłowa
- material z dolnoserbsko-nimskich słownikow
- 6 500 frazeologicznych jadnotek w širokem zmysle
- 2 400 nimskich móžnych (pšíbližnych) wótpowědnikow
- 2 100 wopisanow wóznam
- wót 2014 w seši

	plon		
--	------	--	--

	guba		
--	------	--	--

	mudra głowa		
--	-------------	--	--



Namakaj frazeologizmy, w kótarychž wustupuju słowo x.

Namakaj frazeologizmy, w kótarychž wóznamowych definicijach wustupuju słowo x.

Namakaj pšełožki serbskich frazeologizmow, w kótarychž wustupuju (nimske) słowo x.

Namakaj nimske frazeologizmy, ako stoje w słowniku ako mózne / pšíblízne ekwiwalenty za serbske wobroty.

Nastajenja

Frazeologiczki słownik jo wjelewarstwowy: Wopśimjejo rěcne wobroty w jadnej rěcy, ekwiwalenty w tamnej, wóznamowe definicije – a w našom paže hyšći pósłowny pšełožk dolnoserbskich frazeologizmow do nimščiny. Kótary z tych wobłukow se pšeptyuju, ma wjeliki wliw na lisčinu rezultatow.

Wuzwóliš pšeptytowany wobłuk

Standardne jo nastajone »pytaś w frazeologizmach (ds)«, to groni pytanie we wobłuku serbskich frazeologizmow. Wóni že su zakład a wuchadnišćo słownika. Pytane słowo jo žel serbskich frazeologizmow.

ruka – bělę ruce nosyś

Opciji »pytaś we wóznamach (ds)« resp. »pytaś we wóznamach (ni)« gronitej, až psegľeduji se wóznamowe definicije za pytanym serbskim abo nimskim słowom.

(ds): gnaś – malsnje gnaś « nogi chytaś

(ni): laufen – schnell laufen « nogi chytaś

Aby luže, kenž dolnoserbščinu dosć njewobkněže, měli gózbu, wobrazliwość dolnoserbskich wobrotow pónzaś, póbijujo se pytanie »w pósłownych pšełožkach (ni)«.

Nase – unter der Nase « pód nosom

Cesto jo nimski rěcny wobrot znaty a kšeli wěžeś, kak mógali to serbski groniš. Teke how słownick pomožo – se wě jano w tej měrje, ako su nimske frazeologizmy ako pšíblízne wótpowědnik za serbske wobroty w njom zregistrōwane (opcija »pytaś we wótpowěnikach (ni)«).

Hals – Hals über Kopf « na skoki

Wósebne pytanje pó poziciji w słowie

Južo dotychměst pśedstajone móžnosći pše-pytowanja zmóžnjaju lažejše a wobšyrnejše wużywanje słownika, nježlic potencielna šišcana wersija. Pytanje pó pozicji w słowie dodajo dal-šne opcije:

Pytanje na zachopjeńku słowa: Chtož by kſeł frazeologizmy se wobglédowaś tak, ako by kni-gły pšeberał, ten móžo jadnorje zapisá pismik a, a dostanjo lisčinu słow, kótarež tak se zacho-piju. Kombinérujucy z nastajenjami pód wuzwó-lonym wobłukom mógu se knigły malsnučko psesortěrowaś: Raz krydnjo cytař wšykne fra-zeologizmy, w kótarychž se namakajo słowo na a- (na pś. wécej móc *ak fidle graś*, *akcenty saj-zaś* atd.), raz take, w kótarychž wóznamowej definiciji (na pś. *néchten psetergnjo abruptnje swójo grono*), nimskej pšełožku (na pś. *auf die letzte Ader*) abo w kótarychž nimskich ekwi-valentach (na pś. *glatt wie ein Aal*) słowo na a-wustupujo. Rowno tak mógało se póstupowaś z pismikom b- (na pś. *Hantšo ba*, *w riši sma*) atd.

Pytanje ...
... na zachopjeńku słowa
ahoj ...
ak ...
akcent ...
akle ...
aktualnosć ...
ale ...
apryl ...
...

Pytanje něži w słowie: Móžo byś praktiski rěd, gaž co něchten wšykne frazeologizmy (wóznamowe definicije, nimske wótpowědниki atd.) namakaś, kenž wopśimjeju wěsty kórjeń, drugi gramatiski element abo powšyknje wěsty rěd znamuškow. Pyta-lic se na pšíklad za *glěda*, ga-njenamakajo se jano *glědaś*, ale teke *glědatko*, *glědanje*, *naglědanje*, *pšiglědaś*, *woglědaś* atd.

Pytanje ...
... něži w słowie
dom ...
doma ...
domoj ...
podomk ...
...

Pytanje na kóńcu słowa: Teke z teju opciju mógu se zajmne rezultaty dojšpiš. Pyta-lic se za ś na kóńcu słowa, ga namakaju se mj. dr. wšykne frazeologizmy, w kótarychž wustupujo werb z infi-nitiwom na -ś: *biś – někomu Serb na gubu bijo* atd.

Pytanje ...
... na kóńcu słowa
Budychal ...
kral ...
pal ...
...

Rezultaty

Standardny rezultat pytania jo lisćina frazeologicznych jadnotkow w širokem zmysle, w kóta-rychž pytane słowo wustupujo. Kužda smužka fungērujo ako link, kótaryž wježo dalej na konkretny artikel. Dajo take z połnym wopisanim, to groni z pôdašami ako »zakładna forma«, »aktualizērowana zakładna forma«, »pósłowny nimski pšełožk«, »wopisanje wóznama« (dolno-serbski resp. nimski), »mózne (písibrižne) nimske wótpowědniki« a »žrědło.« Dajo teke žedne, w kótarychž jawi se mimo zakładneje formy jano pokazka na žrědło. A eksistēruju mjazykſace. Dokradnejše informacie namakaju se pód adresu <http://dolnoserbski.de/nrs/informacie>. Psez pokazki na žrědla jo słownik dolnoserbskich ręcnych wobrotow a pysisłów zwězany z dolno-serbsko-nimskimi online-słownikami. Z kliknjenim na link dojžo wużywař do słownikowego artikla, w kótaremž frazeologizm jo dokłažony.

To ga jo ten suk! <i>písłowo abo sadowa fraza</i>	
PÓSŁOWNY NIMSKI PŠEŁOŽK	
suk	t ja der Knoten!“
cartowy suk	NJE WÓZNAMA
Puki su cartowe suki.	ako zwuraznijo, až rowno ta zaspomnjeta,
suki a sucki wuglažiš	ědana wěc jo ten główny problem
To ga jo ten suk!	
Twarc se njesmějo suka wobinuš.	(PŠIBIŽNEJ) NIMSKEJ WÓTPOWĚDNIKA
wšykne suki a sucki wuglažiš	t der Hase im Pfeffer
	dort/da ist/liegt der Hund begraben
	ŽRĘDŁO
	to ga jo ten suk « Starosta 1999 » suk

Dolnoserbski tekstowy korpus

[http://dolnoserbski.de/korpus \(DOTKO\)](http://dolnoserbski.de/korpus)

Powšykne informacije

Co-lic se něchten informěrowaś wó tom, kak wěste słowo w literaturje se nałožujo, kótara kójcowka žo se kněžy abo ga to abo druge zapřimješe předny raz se jawi – Dolnoserbski tekstowy korpus (DOTKO) bužo k pomocy. Projektěrowany za rěcywědne slězenje jo wón weto praktiski rěd za historikarje, chronisty, žurnalisty a druge zajmce: Móžnosć, wjeliku zběrku tekstow digitalnje pšepytowaś, wólažcujo rešeršu za informacijami wšakego typa.

W interneše pšistupne su tuchylu z pšawniskich zawinow (awtorske pšawa etc.) jano teksty do 1937, což wugótujo něži 15 milionow słownych formow. Wjeliki žél z togo wugótuju lětniki Bramborskego (Serbskego) Casnika, kenž njejo jano pšez wjele lět formował pisnu dolnoserbsčinu, ale jo teke połny zajmnych informacijow wó dolnołužskich jsach.

Wósebnosći

Cełkowny korpus wopšimjejo casowy wótrězk wót 16. do 21. stolěša. Taki diachroniski korpus ma swóje wósebnosći, teke take, ako zwisuju z wšakimi wašnjami pisanja. Žinsajšny pismik 〈ž〉 na pšíklad wustupuj w tekstach ako 〈ž〉, 〈ź〉, 〈ſch〉 a 〈ſch〉, město něntejšnego 〈y〉 stope 〈i〉, 〈ü〉 a 〈y〉 atd. Tuchylu njejo móžno, za žinsajšnymi formami pytaś a weto stare zapise namakaś.

Korpus njejo hyšći normalizěrowany. Wón teke njejo lematizěrowany, což groni, až pytanje za zakladnymi formami namakajo same zakladne formy, nic pak flektěrowane. Abo hynac: Pši pytanju dej se na kuždu potencielnje móžnu for-

- 35 milionow słownych formow (tokenow)
- z togo 15 milionow w seši pšistupne
- wšykne lětniki Bramborskego (Serbskego) Casnika (1848–1933)

Korpus njejo

digitalna biblioteka!

Někotaryžkuli by se žycł, aby mógał teksty wótpředka doslědka cytaś, pó kapitlach skokaś a pódobne. To jo nadawk digitalneje biblioteki. We wobłuku dalšnego wobzětowanja korpusa móžo w pŕichodnosći teke takaastaś a se zetablérowaś ako wósebny serwis boka dolnoserbski.de.

Tip: Pismiki z diakritiskimi znamuškami direktne pšež browser zapó-dawaš! (► bok 3)



Wěcej rezultatow!

Glédaj na tabelu z pšawopisnymi wariantami!

Efektiwnjej pytaš!

Wužywaj regularne wuraze!

mu myśliš. Wobej kšaca, rozmjej normalizěrowanie a lematizěrowanie stej planowanej. Feluju-cych personelnych a finančielnych resursov dla njejstej se wónej dotychměst mógałej pšewjasť. Nježlic až tak daloko bužo, musy pytajuci póta-kem weto w korpusu se jawjece ortografije znaś a wěžeś, kake formy pytanego słowa co zbadaś.

Aby se to tšochu wólažcylo, dajo na interne-towem boce pomocne rědy:

Tabela z pšawopisnymi wariantami, ako w korpu-su wustupuju, z awtentiskimi pšíkładami z kor-pusa a jich pšepeisom do aktualnego pšawopisa.

http://dolnoserbski.de/korpus/psawopisne_warianty

Pomoc za nałożowanje regularnych wurazow, ako pomogaju korpus lěpej a efektiwnjej wužywaś.

http://dolnoserbski.de/korpus/regularne_wuraze

Glédaj!

Pši pytanju se rozeznawa-mjazy wjelikimi a małymi pismikami!



Pytanje

Standardne pytanje jo zapódawanje serbskego słowa abo słowneje formy do pytańskego póla. Pyta se za *jadnym* słowom, za *jadneju* for-mu! Pytanja za kupkami słów nic njenamakaju.



Rezultaty

Ako wótegrono na wótpšašowanje dostanjo wužywař lisčinu tekstowych pasažow z pytaneju formu. Nalěwo a napšawo njeje pódawaju se kontekstowe słowa, aby mógali wužywárje zwěsćiš, w kótarem wóznamowem wobłuku se namakany pšíkład wužywa. Na pšawej kšomje stoj informacija wó žrědle namakanego teksta we formje skrotconki. Z kliknjenim na link dojzo wužywař na lisčinu knigłów a dokumentow, kótarež su w DOTKO pístupne.

Z kliknjenim na wuzwignjonu pytanu formu, dajo se kontekst rozšyriš.

Wjele koñzow ma **jéchniza** ¹⁹ Wotgrono : ßedym !
aloßně , pícheto ta **jéchniza** běsho ſ gadowatym a
mk . pénes , kléb **jéchniza** a paleńz . K takem za
; tam jo třchojaka **jéchniza** , tuk , ſczłogno (plazo

chich drugich fajrneli , kotrež ſu do teje wézy nékak ßobu ſaméſchané chigodu žwe ſakopach křížněli . Tíchi tyžené běsho žowčo chore bylo : as wozy woźny a ſlažka ſychny . Woni poßlachu ned po gojza , a ten o Wjele koñzow ma **jéchniza** ? Wotgrono : ßedym ! pícheto to zrówo maže jo w břuſche , gaž i jéžena jo . Přaſcheze wot 1 . junija . Schěgi na ře

Brňe , pícheto ta	jéchniza	běsho ſ gadowatym
. pénes , kléb ,	jéchniza	a paleńz . K takem
tam jo třchojaka	jéchniza	, tuk , ſczłogno (pl

Ekspertowy pístup

Za pókſacane wužywarje korpusa dajo rozšyrjony pístup ku korpusu pšež boki Českego narodnego korpusa:

<http://kontext.korpus.cz>
(nastajiš: korpus „DOTKO“)

How jo móžno, pytaš za celymi frazami abo wužywař bejnje rozwitu wótpšašowařsku rěc CQL. Wótpšašowanja same funkcioneruju běz pízjawjenja. Za dalšne kšace, na pšíkład za statistiske wugodnosěna datow a zwěsćeňje kolokacijow, jo notne se zalogowař.

Registracija jo dermatna.

Glědaj: Pši pytanju pšež [korpus.cz](#) njamóžoš wósebne znamuška z myšu pšež browser zapódawař. Město dlujkego pšežmar-njonego <ř> musy se zapódař pismik <ř>.

WUSLĚDKI NAPŠAŠOWANJA

licba wuslědkow

Napšašowanje »**wjelk**« wuslědky 1-28 wót 28

	lěwy kontekst	pytana forma	píšawy kontekst	žrědlo
1	kulawje , glumam a rěpam korjenjowa chorosć , wjelk mjenowana . Wona jo w celej Nimskej rozšyrjona			SC-1924-026
2	sowjeju latarnu do wocowu zaswěši . Ten wjelk se tak wulěka , až se doskok na wuběgi			SC-1933-003
3	hyšci how dašo (Přirownaj z tym " Slědny wjelk we Turjańskie goli " we Casniku) . - Na			SC-1933-012
4	njewjedro . Blisko pši njej sowá rasčašo a wjelk wujašo , až wona se wulěkašo . " Moj Bog			AHau_Gen
5	jej tak žiwnje pomagal . Tej jelenicy běšo wjelk to mlode zrozryval a togđa běšo tak skobodna			AHau_Gen
6	. Ak rowno chylku wotpocywašo , ga pšíže wjelk a lazešo woju we blabje . Genovefa se			AHau_Gen
7	wojcu we blabje . Genovefa se pšežesys a ten wjelk teke wusta , pon pak jomu z teju wobnogu			AHau_Gen
8	te ga su gromaže we měrje , jano líska a wjelk stej takzej złej ; ga cu lubej how wostaś			AHau_Gen
9	kak dej se bitwa srědowař . " Nejsurowšy wjelk se powdawa , křesćijańskie psy bužomy goniš			MWl_KoPo
10	farje pšezej barank a jano doma jo byl píšawy wjelk . Juž běšo kněžna Karlinka tři dny pšec			MWl_ZiBara

Dolnoserbska ortografija / Dolnoserbska rěcna komisija

<http://dolnoserbski.de/dsrk>

- pšawopisne pšawidla online
- dokumentacija žélabnosći rěcneje komisije

Powšykne informacie

Chtož se chylku z historiskim tekstowym korpu-
som zaběra, malsnje markujo, až njejo lažko, pší
pytanju wšykne relevantne formy namakaś. To
zalažy gļownje na tom, až jo se pisało raz tak,
raz znak. Wužytk jasnega pšawopisa jo widobny
a pisna rěc njamóžo bžez ortografiskich pšawi-
dłów wobstoaš. Togodla prezentěrujo ten ser-
wis płašece regule dolnoserbskego pšawopisa.
Zakład za nje twórje knigły Manfreda Starosty
*Niedersorbische Orthographie und Interpunkt-
tion* w drugem, pšeželanem nakłaže z lěta 1982,
kótarež se tak zajmcam internetne pštistupnje.
Do nich zaželane su změny, dodanki a wudopoł-
njenja, ako jo Dolnoserbska rěcna komisija w
slědných lětach wobzamknuta. Wóni su ako ta-
ke markérowane.

Ten modul póbitujo toś dwóje: informacie
wó korektnem dolnoserbskem pisanju a trans-
parentnu dokumentaciju žélabnosći DSRK.

Pštistup 1: Płašece pšawidla



Za rozwězjanje konkretnego pša-
wopisnego problema jo nejlépjej,
wóćyniš rubriku »Płašece pšawi-
dła«. Tam se namakajo tematiska
lisčina wobjadnawanych ortografiskich (a inter-
punkciskich) regulow, kótarež móžo wužýwař
pšeglédowaš. Pšež kliknjenje na linki dojžo wužý-
wař ku konkretnym paragrafam. Jo-lic w nich doj-
šlo w slědnem casu k změnam, ga jo to w nich wó-
znamjenjone.

Přistup 2: Nowe póstajenia (Žélabnosć Dolnoserbskeje rěcneje komisije)

Žýwa rěc se stawnje wuwija a změnja. Tak jo teke z dolnoserbském a jeje pisnorěcneju normu.

DOLNOSERBSKA ORTOGRAFIJA
INFORMACIJE PLAŠECE PŠAWIDŁA NOWE PÓSTAJENJA

Casy se wopokažo, až wěsta problematika dotyčměst njejo byla rědowana, abo rěcna wo-pšawdnosć jo se změnila a něga se kněžeca norma dej jej se pšiměriš. Za to zagronita jo wót Mašice Serbskeje powołana Dolnoserbska rěcna komisija. Jeje póstajenia, kótarež se ned do płaše-cych pšawidłow zažělju, prezentěruju se pšeglěd-niwiye a transparentnje. Z kliknjenim na »Nowe póstajenia« mózo se je wužywař – casowje abo tematiski rědowane – pokazaš daš.

Perspektivy za dolnoserbski.de

Dolnoserbski.de póbijujo južo něnto kopicu informacijow wó dolnoserbščinje: Słowniki, korpus pisneje dolnoserbščiny a ortografiske pšawidłia. Pó želach su přistupnjone digitalne resurse južo zwězane a se wudopołnjaju. Zaměr jo daloko segajuce splešenje jadnotliwych elemen-tow boka z wjelikim wužytkom za wužywarja. To mógu byś dalšne zwiski mjazy słownikami (nimsko-serbski – dolnoserbsko-nimske – słownik rěcnych wobrotow a písłow), zwězanie słownikow z korpusom abo pšawopisnymi regu-lami.

Wužywarje mógu se wjaseliš na multifunk-cionalny, do seší zwězany wutwarjony informa-ciski system k dolnoserbščinje. Južo něnto jo bok dolnoserbski.de celo praktiska pomoc pší zdžaržowanju a wótžywjanju dolnoserbščiny.

**Žélamy na dalšnych
póbitowanjach:**

1. dolnoserbski.de za mobilne rědy
2. nowy layout za DNW
3. audio-dataje za DNW
4. modul za ortografisku kontrolu
5. korpus powědaneje, maminorěcneje dolnoserbščiny (pšezy projekt DoBeS pla-założby VolkswagenStiftung).

Sóč na portalu
dolnoserbski.de
namakali zmólk?
Mašo ideju, co mógało
se pólépšyś?
Napišćo nam!



Impresum

Serbski institut z.t.
wótnožka Chóšebuz
Droga Augusta Bebela 82
D-03046 Chóšebuz

tel.: (0355) 48 576 482
faks: (0355) 48 576 494
e-mail: chosebuz@serbski-institut.de

internet:
www.serbski-institut.de
www.dolnoserbski.de
www.niedersorbisch.de

tekst a wugótowanje: Fabian Kaulfürst

Dalej wjeżece informacije wójadnotliwych
resursach namakajośo na wótpowědných
bokach w interneše.